

Na kraju dopustite mi još nekoliko riječi:

Ovim predstavljanjem knjiga u izdanju Instituta za istoriju mi smo željeli još jedanput javnosti predstaviti ono što mi radimo u Institutu za istoriju. U vrijeme u kojemu živimo, kada su brojni kriteriji poremeći i kada se prave neznalice, hohštapleri i ljenčuge promoviraju u raznim medijima kao veliki naučnici, nije lahko čuvati dostojanstvo nauke. Kao direktor Instituta mogu, naravno, garantirati da ćemo i dalje biti protivnici svih politikanata u nauci i nećemo dopustiti da oni, čiji je domet stražarska šupica meteorološke stanice na Bjelašnici, sada kroje kadrovsku politiku ili određuju naše istraživačke pravce. Mi, naravno, ne možemo spriječiti da razni instant akademici šire laži o nama, ali možemo našim radom i našim knjigama demantirati te laži. I, naravno, nećemo dopustiti nikome da nam zabranjuje da kažemo ono što mislimo, niti ćemo pristati da govorimo samo ono što nekima iz ovih ili onih razloga odgovara. Mi ćemo jasno govoriti ono što mislimo ili u šta smo uvjereni da je istina ako za to imamo argumente. Uostalom, kao što smo pokazali i ovim knjigama koje smo danas promovirali.

Želim zahvaliti promotorima, profesoru Išku i docentu Radušiću, prevoditelju knjige o Bosni i Hercegovini Danieli Valenti, autorima koji su Institutu za istoriju povjerali rukopise, i svima vama danas prisutnima na ovoj promociji. Hvala vam velika i molim vas da se zadržimo još malo na razgovoru iz piće u susjednoj sali.